

Minister Paul Croes di Asuntonan Social:

Aumento di mas di 400.000 Florin pa Imeldahof ta garantiza mihor cuido pa muchanan



Cu un aumento di casi mey miyon Florin pa Stichting Imeldahof, Minister Paul

Croes ta kere cu e cuido di muchanan cu problema social lo mehora ainda mas den

2017. E decision aki ta forma parti di varios decreto cu Minister di Asuntonan Social, Hubentud y Labor, drs. Paul Croes a firma recientemente pa formalisa un sosten mas amplio na fundacionan social di nos pais.

Imeldahof ta un di e fundacionnan aki cu Gabinete Mike Eman II, y particularmente Minister drs. Paul Croes ta pone enfasis riba dje ya cu e ta dirigi riba asistencia y prevencion di abuso di mucha. Otro areanan di tereno social tambe ta conociendo un

aumento den nan subsidio pa aña 2017, manera Sonrisa, FAV y Ambiente Feliz, entre otro.

Cu e programa #Stopawo di cooperacion entre varios departamento y instancia cu ta atende abuso di mucha, Imeldahof tambe a mostra y combence e mandatario riba e necesidad pa asina logra aloca mas fondo pa nan. Adicionalmente, Minister Croes ta duna oido na e preocupacion cu ta biba den nos comunidad pa cu e problematica aki.

E aumento aki sigur ta uno importante conforme e fundacion pa asina nan por garantiza e cuido di e muchanan. Minister drs. Paul Croes ta gradici e fundacion y su personal pa e trabao grandi cu nan ta desplega aña aden y aña afor y ta reafirma su compromiso pa, durante 2017, sigui traha hunto na beneficion di e muchanan. Ta probecha pa desea tur miembro di directiva, personal, boluntario y cliente di e fundacionnan local, un feliz aña nobo.